

釋迦方誌卷中

壁四

唐終南太一山釋道宣撰

遺跡篇第四之中

窣祿勒那國中印度也周六千餘里少荒東境臨
碗伽河即古恒河北接大山城東南闔牟那河從
國西北山中出中境而流都城周二十餘里
東臨闔牟河寺有五所僧千餘人多小乘學
天祠百餘異道甚多河西大寺東門外塔佛
曾於此說法度人其側有佛髮爪塔闔牟河
東八百餘里至碗伽源廣三四里東南入海

廣十餘里水色滄浪味甘砂細隨水而流俗
謂福水有沐除罪或有輕命自沉云生天受
樂有僧伽羅國提婆菩薩化外道受正法處
度河東至秣底補羅國中印度也周六千餘里都
城周二十餘里不信佛而敬天寺有十餘僧
八百人多小乘者天祠五十餘異道雜住國
西北境碗伽東岸摩裕羅城周二十餘里出
榆石水精城側臨大河有大天祠多有威靈
有池編石爲岸引河爲浦五印度以爲碗伽
河門生福滅罪處常有百千人漂濯從摩裕

北行三百里至婆羅吸摩補羅國度北印周四千餘里山周四境都城周二十餘里寺五僧少天祠有十異道雜住國北大雪山有蘇伐刺擎瞿呾羅國言金氏也出上黃金東西地長即東女國非印度攝又即名大羊同國東接土蕃西接三波訶北接于闐其國世以女爲王夫亦爲王不知國政男夫征伐種田而已又從末底補羅國東南行四百餘里至瞿毘霜那國中印度周二千餘里都城十四五里寺二所僧百餘人而習小乘天祠三十餘異道雜

住城固險峻其側古寺塔高二十餘丈佛曾於此一月說法有髮爪二塔各高丈餘旁有四佛坐迹又東南行四百餘里至一塈醯掣咤邏國中印度周三千餘里都城周十七八里寺十餘所僧有千餘習小乘正量部天祠有九外道三百餘人城依險固其外池側佛爲龍說法七日處立塔側有四佛行坐迹立塔表之又南二百七十里度碗伽河南至毘羅刪擎國中印度周二千餘里都城周十餘里信外道少敬佛法寺三所僧徒三百人皆大

乘學天祠五所城中寺塔高十餘丈佛曾於此七日說蘊界法四佛行坐遺迹尚存於此東南行二百餘里至劫比他國僧伽舍也周中印度古周二千餘里都城二十餘里寺有四所僧千餘人天祠十所同事大自在天皆作天像其狀人根形甚長偉俗人不以爲惡謂諸衆生從天根生也城東二十餘里大寺中僧數百人淨人數萬頭皆宅寺側大垣內有天帝造三寶階中階黃金左以水精右用白銀南北而列東西下地是佛從逝多林即祇提也昇天善

法堂爲母三月說法下降處百年前階尚在今並沒盡後王倣之猶高七十餘尺上起精舍側有石柱光潤映現隨其罪福影出柱中育王所造階側浮圖四佛行坐迹也佛澡浴處立塔其所有佛入室精舍又其側佛經行右基長五十步高七尺足所履處皆蓮華文基左右小塔梵王所造次前是蓮華尼化爲輪王先見佛處佛告尼曰非汝先也有蘇部底須菩提也宴坐石室知諸法空見吾法身次東南池有龍居焉恒護聖迹不可輕犯從此西

北減二百里至羯若鞠闍國

中印度也

周四

千餘里都城西近蒟伽河長二十餘里廣四五里邪正相半寺百餘僧徒盈萬大小兼學天祠二百餘所異道數千人即統五印度之都三也號尸羅迭多言成日也吠舍姓初欲登位

蒟伽岸有觀自在像乃請之告曰汝本此林蘭若比丘金耳月王既滅佛法王當重興愍物在懷方王五境慎勿昇師子座及稱大王號也王乃共童子王平殄外道月王徒衆又約嚴令有啖肉者當截舌殺生當斬手乃與

寡妹共知國事於蒟伽側建千浮圖各高百餘尺城邑鄉聚達巷交衢立精舍供食止醫藥患羈貧聖迹之所皆爲立寺二十年來五年一會傾沒府藏拯濟羣有唯留兵器用備不虞初作會日集諸國僧三七日中四事供養今相論議若戒行貞固道德優洽者昇師子座王便受戒清淨無學示有崇拜穢行彰露者驅出國界諸有王臣植福無怠者携手同坐異此不顧王巡省方俗不常其居行必四兵導引嚴設汎舟乘象擊鼓吹螺象軍八

萬以威四遠唯兩三月不外遊行宮中每日
飯諸沙門僧有千人婆羅門五百日分三時
一時理務兩時營福又絕血食日例一頓於
河西寺東起寶臺高百餘尺中有等身金像
壁四
次南起寶壇浴佛像處於此東北十五里許
別築行宮從寺至宮夾道爲閣窮諸彫飾樂
鼓奏音聲戒日王又以真珠雜寶
金銀諸華隨出四散供養三寶其五印度尼
寺希少縱有尼者與僧同門食亦同處無虧
戒約然童子王刹帝利姓語使人李義表曰
上世相承四千年先人神聖從漢地飛來王
於此土城西北塔育王所造昔佛於此七日
說法其側有髮爪塔四佛行坐迹又南臨宛
伽河三寺同垣異門佛像嚴麗佛牙長寸半
迦摩縷波國拘摩羅王言童子也作梵王像執拂
右侍各五百象軍被鎧同衛前後各百大象

樂人於上鼓奏音聲戒日王又以真珠雜寶
金銀諸華隨出四散供養三寶其五印度尼
寺希少縱有尼者與僧同門食亦同處無虧
戒約然童子王刹帝利姓語使人李義表曰
上世相承四千年先人神聖從漢地飛來王
於此土城西北塔育王所造昔佛於此七日
說法其側有髮爪塔四佛行坐迹又南臨宛
伽河三寺同垣異門佛像嚴麗佛牙長寸半
光色變改寶函盛之遠近瞻者日有百千守
者煩撓重稅金寶而樂禮者不辭重貨齋日

便出置高坐上散華雖積牙函不沒寺僧清
肅淨人數千戶寺前左右精舍高百餘尺石
基甕室中象寶莊或純金銀次東南大精舍
石基甕室高二十餘丈是佛六月說身無常
坐四苦空不淨處又有四佛行坐迹在城東南六

七里宛伽南岸上城東南百餘里有納縛提
婆城據宛伽河東岸三寺同垣異門周二十
餘里次前二百餘步塔高二十餘丈佛曾七
日說法處中有舍利時放光明其側四佛行
坐迹寺北四里臨宛伽岸塔高二十餘丈佛

曾七日說法五百餓鬼解悟生天其側又有
髮爪塔次側又有四佛行坐迹又東南行六
百餘里度宛伽河南至阿輸陀國中印周五
千餘里都城周二十餘里寺有百餘僧三千
餘人大小兼學天祠有十異道少耳城中故
寺是伐蘇畔度菩薩言世親也數十年中作大小
乘論處城北五里宛伽岸大寺中塔高二十
餘丈佛爲天人三月於此說法側有佛塔四
佛行坐迹寺西五里有佛髮爪塔

城西南五里大菴沒羅林中故寺是阿僧伽

菩薩云無著也夜昇天宮於慈氏所受瑜伽莊嚴

大乘經論及中邊等書爲衆說林西北百餘步佛髮爪塔自此東行三百餘里度碗伽河北至阿耶穆怯國中印周二千五百里都城

臨河周二十里寺五所僧千餘人習學小乘

天祠十所異道雜居

城東南臨碗伽塔高二十餘丈佛曾三月說法處有髮爪青石塔有四佛行坐迹又東南行七百餘里度碗伽河南闍牟那北至鉢羅伽耶國中印周五千餘里都城據兩河交周

二十餘里寺二所僧少天祠數百異道特多城西南臨闕年河曲二千里東北流合間有瞻博迦華林中塔高十餘丈佛曾於此降外道處有髮爪塔經行迹又有提波菩薩作廣百論處城中天祠堂前大樹枝葉蒙密食人鬼依之左右遺骸爲積人至祠中無不輕命上樹投下爲鬼所誘城東兩河間交廣十餘里土地平塈細沙彌布古今王豪諸有捨施莫不止焉號大施場戒日大王亦修此業場東合流口日數百人自溺而死彼俗名爲

聖四

六

生天所也有欲行法七日於此絕粒自沉中流遠近相趣乃至山猿野鹿羣遊水濱絕食沉水當戒日王行施之時有二獮猴雌爲狗殺雄者負屍擲此河中其又自餓累日而死自此西南大林野行五百餘里至憍償彌國

中甲度周六千里都城周三十餘里寺十餘僧三百餘人天祠五十外道衆多城內故宮大精舍高六十餘尺刻檀佛像上懸石蓋即鄧陀衍那王古侵陀延也此云出愛之所造也靈光間起諸王以力欲舉終莫之移昔佛爲母上天說

法王請目連神力接工就天模相及佛下天像便起迎佛慰喻曰方爲佛事舍東百餘步四佛行坐迹佛浴室并今猶充汲城內東南隅具史羅長者宅有佛精舍髮爪塔其大塔側又有四佛行坐迹城西九里石窟佛曾遊

墮門此伏毒龍也側有大塔高二十餘丈旁有佛經行迹及髮爪塔病求多愈釋迦遺法滅在此國貴賤入境自然感傷窟東北大林中行七百餘里度宛伽北岸至迦奢布羅城周十里許是護法菩薩伏外道處塔高二十餘丈

佛曾於此六月說法有經行迹及髮爪塔自北行一百八十里至鞞索迦國中印度周四十餘里都城周十七里寺二十僧三千人天祠五十外道巨多城南道左右寺塔高二十餘丈佛曾於此六年說法側有奇樹高七十尺春冬不改是佛齒木棄而茂生諸邪見者競來殘伐尋生如故側有四佛行坐迹并髮爪塔基角相連林池交影自此東北五百餘里至室羅伐悉底國中印度舍衛也周六千餘里都城荒毀故基周二十餘里寺數百所僧徒少

天祠百餘外道甚衆荒城故殿東基上小塔是鉢羅犀那恃多王古云波斯匿爲佛造堂處次側故基上塔是王爲佛姨母鉢羅闍鉢底古云波闍波提此云生比丘尼造精舍處次東塔是蘇達多云善施也之故宅也側有大塔是鴟窯利摩羅言指蔓也捨邪處也城南六里許逝多林是給孤園太子所造寺也今荒廢尚有石柱高七十餘尺育王造之軒室一存餘並湮沒室中有爲母說法金像東北有佛洗病僧塔西北有目連舉身子衣塔不遠并塔佛所汲用

又舍利弗與佛經行道說法處並有表塔靈
樂異香常降其所又外道殺女以謗佛處立
塔表之寺東百步大坑是調達欲毒害佛生
陷處南有大坑是瞿伽離比丘毀佛生陷處
又南八百步大深坑是戰遮婆羅門女毀謗
釋迦
佛生陷處此三坑皆洞達無底洪雨大注終
無停偃寺東七十步精舍名曰影覆高六十
尺中有東面坐像與外道論處次東天祠量
同精舍初日影西不蔽佛舍晚日陰東遂覆
天祠又東四里大涸池是毘盧釋迦王

舊云
留羅

也陷入地處後人立塔記之又有身于初造
寺時與外道較處亦立塔記寺西北四里有
得眼林中有佛經行迹塔其緣勝軍王挾五
百賊眼聞佛慈力一時平復捨杖遂生眼根
城西北六十里故城是人壽二萬歲時迦葉
波佛本生處其北有塔即此佛全身舍利之所
所育王造表之又東南行五百餘里至劫比
羅伐窣堵國中印度古云
迦毘羅也周四千餘里空城
十數並無人住宮城周十五里許以磚成之
故寺千餘宮城一寺僧三十餘天祠二所外

道雜住城內正殿基上精舍中作王像其側
是摩訶摩耶言大術也夫人寢殿基上精舍作夫
人像其側精舍中作菩薩像神降之相彼執
不同上座部云當唐國五月十五日諸部又
云當此五月八日此蓋聞見之異耳其側有

壁四

九

仙相塔城南有塔是太子揃力擲象越城墮
地爲大坑處側有精舍作太子像及受業像
其傍精舍是妃寢處作耶輸陀羅并羅怙羅
像別本云太子初夜開城北門出去又城東
南隅精舍中作太子乘白馬乘空踰城處四

城門各有精舍作老病死沙門像城南四里
尼拘盧林塔佛得道與天人說法之所城南
五十里故城中塔是人壽六萬歲時迦羅迦
村駄佛本生城城東南塔即此佛遺身也無
憂王於前建石柱高三丈餘又東北三十餘
里故城中塔是人壽四萬歲時迦諾迦牟尼
佛本生城城東北塔即此佛遺身也無憂王
爲建石柱銘記之高二丈餘城東北四十餘
里有太子坐樹下塔大城西北數百千塔是
誅釋子塔有四釋子拒軍城人不受被放出

境一爲烏仗王二爲梵衍等王至今不絕城南尼拘律樹塔是佛初來見父王處城南門外塔是捕射處東南三十餘里是太子射矢沒地因涌泉流俗傳箭泉病飲多愈或持泥塗額隨苦皆愈又東北九十里臘伐尼林釋迦種浴池華水相映其北二十五步無憂華樹今已枯悴佛誕處也有說云當此三月八日者上座部云當此三月十五日者次東有塔二龍浴太子處是日生已不扶而行四方各七步所蹈之處出大蓮華旣右脇生天帝衣

接四王捧之置金几上凡施四塔并立石柱表之旁有小河東南而流俗號油河是太子產已天化此地光潤令沐以除風虛令變水河尚膩如油從此東行二百餘里荒林中至藍摩國中印多空城東南佛塔減百尺昔初八分之一舍利也靈光時起側有清池龍變爲蛇出繞其塔野象祿華以散之無憂王欲開龍護不許又東大林百餘里大塔是太子至此解寶衣中末尼珠付闡鐸迦還父王處又東有瞻部樹枯株尚存有小塔是太子以

餘衣易鹿皮處其側塔者剃髮處年目不定或云十九二十九者又東南野行百九十里尼拖陀林塔高三丈餘昔人於佛焚地收餘灰炭於此起塔病者祈愈有四佛行坐迹塔高百餘尺左右數百小塔又東北大林路險五百里至拘尸那揭羅國_{中印}_度城頽荒人物少也內東北角塔是純陀故宅其井猶美營供所穿城西北四里度阿恃多伐底河此云有金也近西岸娑羅林兩林間相去數十步中有四樹特高大輒精舍中作佛涅槃像北

首而卧旁塔高二百餘尺前有石柱記佛滅相有云當此土三月十五日者說有部云當此九月八日諸部異議云至今貞觀二十年則經一千二百一十二年矣此依菩提寺石碑記也或云千三百年或千五百餘年或云

始過九百未千年者精舍側有佛昔爲雉王救火及鹿救生各立一塔次西塔者是蘇跋陀羅_{此言善質}滅證處次有一塔是訖金剛神蹕地處次側一塔是停棺七日處次側一塔是阿泥樓陀上天告母降來哭佛處城北度尼

連禪那河三百步塔者是佛涅槃般那

此言
焚燒

處也地今黃黑土雜炭有祈感者咸獲舍利

次側一塔佛爲大迦葉波現雙足處次又一塔前立石柱刻記八國分舍利事此西南行二百餘里至大邑又大林行五百餘里至婆

羅彌斯國中印度古印波羅奈也周四千餘里都城西臨

跋伽河長減二十里廣六里許人居盛滿多信外道寺三十餘僧三千餘並小乘正量部天祠百餘外道萬餘多事大自在天根也大城中天祠二十所天根高百餘尺城東北婆

羅彌斯河西塔育王造高十餘丈前立石柱碧辭現佛河東北十餘里鹿野寺也區界八分連垣同堵層軒重閣僧徒一千五百人並小乘正量部有佛圖高二十餘丈甕龕四合節級百數皆隱起金像鑄石佛等次西南塔

高百餘尺前有石柱高七十餘尺洞澈清淨誠感像現隨其善惡即成道已初轉法輪處其側三塔即昔三佛行坐處傍有諸塔五百獨覺入滅處又側一塔慈氏菩薩受記處又西一塔是佛過去爲護明菩薩迦葉波佛授

今成佛處次南四佛經行處長五十步高七
天青石積成上作釋迦經行像像形特異肉
髻上鬚髮頭抽出神而有徵寺迹極多精舍
浮圖乃數百事不可具也寺西清池周二百
丈四
步佛寺盥浴次西小池佛嘗滌器次北小池
佛嘗浣衣三池龍止味甘且淨有慢觸者金
毘羅獸即而害之側有方石上有佛袈裟文
迹外造兇人有輕蹈者池龍輒興風雨側有
浮圖佛曾作六牙象王見獵者洗衣故拔牙
與處側又一塔佛昔爲烏與獮猴象相問誰

大處又大林中塔佛與調達昔爲鹿王佛代
孕鹿命處鹿野之號因而生焉寺西南三里
大塔高三十餘丈基峙壯麗側又一塔是五
人迎佛處大林東三里塔者佛昔爲兔與諸
獸聚自知形小燒身饋之因感天帝下讚故
便月輪有兔像現寺東順苑伽河三百餘里
東至戰主國中印周二千餘里都城臨苑伽
河周十餘里人盛滿寺十所僧減千人並小
乘天祠二十所異道雜居城西北寺塔佛舍
利一升昔佛於此七日說法并四佛行坐迹

有慈氏菩薩像形小而威德大城東北二百餘里至阿避陀羯刺擎寺云不因緣北方僧也

穿耳

寺東南度碗伽河百餘里至大邑河北岸那羅延天祠重閣甚麗又東南三十餘里有降鬼塔半已陷地前建石柱高二丈餘即佛

壁內

十三

爲歎人鬼說法處鬼置石坐千數茂林清池

不遠數寺皆有僧住學大乘者又東南度河百餘里塔者即分舍利瓶及餘舍利也每齋日放光又東北度碗伽河百五十里至吠舍

釐國

中印度古云
昆舍離也

周五千餘里邪正兼半寺

數百現存五三僧少耳天祠數十露形多矣城已頽毀故基周七十許里宮城周五里許少人居住宮城西北六里寺塔是說淨名處又東身子證果塔又東大塔是王得一分舍利一斛許無憂王取九升均造餘塔後更有土欲開地震遂止西北有塔石柱高六丈次南獮猴爲佛穿池池西羣猴持佛鉢上樹取蜜處池南猴奉蜜處各有塔記寺東北四里許塔是淨名故宅基尚多靈神其舍壘甕傳云積石即說法現疾處也近使者王玄策以

笏量之正有一丈故方丈之名因而生焉并長者寶積庵菴羅女宅佛姨母入滅處皆立表記寺北四里塔佛將往拘尸城天人送泣處次復一塔是佛最後觀城邑處次南是菴羅女以園施佛處其側一塔是佛三告阿難住壽涅槃處又側一塔是千子見父母處即賢劫千佛也東故重閣講堂基塔時放光明是佛說普門經處城西北六十里大塔是佛別粟咭婆子處大城西北減二百里故城塔佛說本生曾於此爲大天輪王事國城東南

十五里大塔是七百賢聖重結集處又南減百里大寺層臺重起僧學大乘四佛行坐迹側又一塔是佛南趣摩揭陀北顧吠舍鰲城中息迹處寺東三十里宛伽河南北岸各一塔是阿難陀分身與二國處從北岸東北行五百餘里至弗栗特國北印度也
謂三代時人周四十
壁四餘里東西長寺十餘僧減千人大小通學天祠數十外道衆矣故宮城中有三千家宛伽東北岸塔高二丈餘南望長流佛度五百漁人處由捕得大魚十八頭頭各兩眼也又東

北百餘里故城西塔高百餘尺佛掌六月說法度人又北百五十里佛髮爪塔又西北五百里入山谷至尼波羅國北印度周四千餘里在雪山中都城二十餘里雜信寺及天寺極多僧三千餘人大小兼學王純信佛城內有閣高二百餘尺周八十步上容萬人而別三疊疊別七層徘徊四廈刻以奇異珍寶飾之城東南不遠有水火村東一里許有阿耆波珍水周二十步旱澇湛然不流常沸家火投之遍池火起煙焰數尺以水洒火火更增

熾碎土以投亦即然盡無問投者並成灰燼架金水上煮食立熟云此水中先有金匱前有國王將人取之匱已出泥人象挽之不動夜神告曰此是慈氏佛冠下生擬著不可得也火龍所護城南十餘里孤山特秀寺居重疊狀若雲霞松竹魚龍隨人馴附就人取食犯者滅門比者國命並從此國而往還矣今屬吐蕃又從吠舍南百五十里度蒐伽河至摩揭陀國中印度也古者訛耳周五千餘里城少人居

色落極多寺五十餘所僧徒出萬多大乘學
天祠數十異道甚多故城在王舍城山北倚
東二百四十里北臨殞伽河周七十餘里人
壽萬歲時號拘蘇摩補羅城言香茅華宮也
人壽數千歲時更因波吒釐樹名波吒釐子
城古名巴連弗者訛也故宮北石柱高數丈
無憂王作地獄處佛涅槃後第一百年有阿
輸迦王此言無憂即頻毘婆羅王之曾孫自王舍
城遷都此城重築外郭出異種稻粒大而美
光色奇異名供大人米也宮北臨殞伽河小

城千餘家現存獄石柱南大塔寶飾覆鉢石
作欄檻即八萬四千之一也安佛舍利一升
時有光瑞即見憂邁近護羅漢役使鬼神所
營其側精舍中有大石是佛欲涅槃北趣拘
尸南顧摩揭故蹈石上之雙跡也長尺八廣
六寸輪相華文十指各異近爲羯羅擎蘇伐
刺那言金耳國設償迦王言月也毀壞佛跡
鑿已還平紋彩如故乃捐殞伽河中尋復本
處次側有四佛行坐塔故宮北大石室即育
王爲弟所造次有大水槽育王飯僧者官西

南小石山周巖澗谷數十石室育王爲近護羅漢役鬼所爲其傍有石池俗名聖水飲者病愈山西南五塔面各數百步育王建八萬四十塔已尚餘五升舍利更造此塔靈異間起有王將此作難陀王五藏興軍掘之地震

聖四

十六

山傾塔中大呼士卒僵仆故城東南屈屈咤

陀溫摩寺

此言
雞固

昔有論議屈於外道十二年

來不擊捷椎有南印度那伽闥刺樹那菩薩此言龍猛來至伏諸外道始擊捷椎故塔名擊捷椎也次北有鬼辯塔馬鳴事城西南隅

二百餘里古寺塔中四佛行坐跡又寺西南百餘里大寺僧徒千數並學大乘含有四院觀閣三層崇基重戶中門三精舍金銅隱起中有立像高三丈左多羅菩薩右觀自在並鑄石鑄成三所各有舍利一升光相時起寺西南百里大山上石塔高一丈餘佛於大磐石上入定經宿諸天雨華以感慕故起寶塔高一丈許今變爲石唯遙望見煙霞止居靈聖龍蛇窟穴鷺鳥猛獸古今無人達者山東崗塔佛於此立觀摩揭國處山西北三十餘

里山寺負嶺踝崖置閣大乘學瞿摩末底菩薩此言德慧伏外道處今有僧五十餘人又西南二有餘里孤山寺有論師尸羅跋陀羅

此言戒賢本見在初伏外道得邑捨而造之其處竦一危峯如浮圖形置佛舍利又西南

五十許里度尼連禪河有伽耶城少人物婆

羅門千餘家住仙人之胤也王所不臣衆咸加敬城北三十餘里清泉俗傳聖水飲濯之者罪消也城西南六里許伽耶山也谿谷杳冥世謂靈嶽自古君王登封告成也頂有石

塔高百餘尺時放奇光佛於此說寶雲等經山東南尼連河減二里許至鉢羅笈菩提山言前正覺也佛將證先登因名也

佛自東北崗上頂欲入金剛定震地投山神懼告佛又至西南半崖中面澗坐石地山又震淨居天告曰此西南十五里近苦行處畢鉢羅樹下金剛座處是菩提座三世諸佛咸此成覺佛方就之仍爲石室龍留影也今或有見者及無憂興世於諸靈跡皆表淳圖兩諸天華每竟安居法俗同往登山供菩提樹

其菩提樹周垣甃壘以崇固之東西闊周可五百四十步奇樹名華連陰列植正門東開

對尼連禪那河南門接大華池西阨險固北門通大寺其壩院內聖迹諸塔精舍星張相布樹垣正中金剛座者賢劫初成與大地俱大千界中下極金輪上至地際金剛所成周百餘步千佛同坐入金剛定故因號焉即證道之所也又曰道場大地震時獨無搖也佛證覺後自入末法沙土彌覆不見本質傳佛說耳遂以兩軀觀自在菩薩南北標界面南

而坐記云此像身設佛法當滅南隅像者今設會廳

佛在世時菩提樹高數百尺枝黃葉青冬夏不改佛涅槃至葉凋尋復後爲無憂王伐截於西數十步聚而燒之用以相天煙焰未止

莊四十八

忽生兩樹猛火之中茂葉同榮因謂灰菩提樹王覩信生以香乳溉餘根者至旦樹生如本王妃忿之又夜重伐王重祈請以乳灌之不日還生壘石周垣基高丈餘近爲金耳國月王又伐此樹掘至泉水不盡根底乃縱火

焚之又以甘蔗澆之令焦爛絕其本也數月之後爲補刺拏伐摩王此言滿曹即無憂王之玄孫也聞樹被誅舉身投地請僧七日經行繞樹大坑以數千牛乳灌之經六日夜樹生丈餘恐後翦伐周峙石垣高二丈四尺樹今出於石壁上二丈餘圍可三尺樹東青甌精舍高百六十餘尺基廣二十餘步上有石鉤欄繞之高一丈層龕皆有金像四壁鏤諸天仙上頂金銅阿摩勒迦果即此所謂寶瓶及寶臺也東南接爲重閣三層簷宇特異並

金銀飾鏤三重門外龕中左觀自在右慈氏像並鑄銀成高一丈許無憂王造也精舍初小後因廣之內置慈氏像有婆羅門應募造之唯須香泥及一燈內精舍中六月閉戶作之乃成尚餘四日僧咸恠之因開觀覓見像

第四十九

十九

儼然東面加坐右足加上左手斂右手垂不見作者坐高四尺二寸廣一丈二尺五寸像高一丈一尺五寸兩膝相去八尺八寸兩肩六尺二寸相好具足唯右乳上圖飾未周更填衆寶遙看其相終似不滿有僧夢匠者云

我是慈氏恐工拙思故自寫之言垂手者像
佛語魔指地爲證近被月王伐樹令臣毀像
王自東返臣本信心乃於像前橫施轄障心
愧闇故置燈於內外晝自在天像功成報命
月王聞懼舉身生胞肌膚皆裂尋即喪沒大
臣馳返即除壁障往還多日燈猶不滅今在
深室晨持鏡照乃覩其相見者悲戀敬仰忘
返

佛以唐國三月八日成道上座部云當此三
月十五日成道時年三十者或云三十五者

斯之差互彼自不同由用曆前後故有此異
猶神州曆元各各不同三代定正延縮不等
何足怪也且據一相取悟便止佛成覺已七
日寂定至於樹北七日經行南北往來十餘
步許異華隨跡有十八丈後人輒疊爲基高
三尺餘俗云聖跡基也表人命之脩短者先
發誠願以繩度之隨壽短長增減有驗此北
道左磐石上大精舍作佛上望仰觀樹相爲
報恩像當時七日目不暫捨樹西大精舍鑰
石像東面立飾奇珍前有青石奇文異彩初

成道日梵王起七寶堂帝釋起七寶座佛據
上七日思惟放光照樹今寶爲石樹南浮圖
高百餘尺初佛於河沐已將坐念草帝釋化
人以姑尸草此言吉祥以奉佛處育王造塔表之
次東北塔是證果時青雀來繞羣鹿呈祥處
聖四二十
樹東大路左右各一塔是魔王燒佛衰退處
樹西北精舍中迦葉波佛時放光明俗云至
誠七繞生得宿命智又垣西北塔鑿金香泥
高四丈餘樹垣東南隅尼拘盧樹側有塔精
舍中有坐佛初證果時大梵王請轉法輪處

垣內四隅皆有塔初佛受草趣樹先至西南
地動又向西北又東北又東南並地爲震即
西北至樹下東面坐金剛座上地方安靜故
立塔記垣外西南二牧牛女宅處其側葱繁
處又側佛受糜處皆立表塔樹南門外大池
周七百餘步清澄魚龍所宅次南池者帝釋
所造爲佛濯衣池西大石天帝雪山將來爲
佛曬衣側塔是佛納故衣處次南林中一塔
佛受貧母施故衣處

化池東林龍池清黑味甘岸西小精舍中像

佛初成道此坐七日入定龍王繞佛七匝化

多頭蓋佛處龍池東林精舍作佛羸瘦像側
有經行跡七十餘步南北各有畢鉢羅樹往
來攀而後起即苦行六年日食一麻麥處今
有疾者香油塗像多愈又有五人住處塔又

東南塔佛入尼連河浴處次近河佛食乳糜
壁四度優婁迦葉千人處又西北伏火龍燒又五
百獨覺入滅處目真龍池南迦葉謂佛溺水
處魔怖佛處皆立表塔記之樹垣北門外即
摩訶菩提寺庭宇六院觀閣三重周垣高五
丈許佛像鑄金銀莊嚴工巧極世華美塔又

高廣有佛舍利大如指節光潤鮮白通徹內
妙處樹東南塔是四天王四方來各持金鉢
及諸寶鉢佛皆不受乃各持石鉢紺青映徹
方總受之按爲一鉢外現四際其側有塔成

道後爲母說法處現神變處

度優婁迦葉千人處又西北伏火龍燒又五
百獨覺入滅處目真龍池南迦葉謂佛溺水
處魔怖佛處皆立表塔記之樹垣北門外即
摩訶菩提寺庭宇六院觀閣三重周垣高五
丈許佛像鑄金銀莊嚴工巧極世華美塔又

高廣有佛舍利大如指節光潤鮮白通徹內
妙處樹東南塔是四天王四方來各持金鉢
及諸寶鉢佛皆不受乃各持石鉢紺青映徹
方總受之按爲一鉢外現四際其側有塔成

於此時也放光雨華大起深信其寺常僧減

即印度十二月三十日
於唐正月十五日也

一千人習大乘上座部法儀清肅是南海僧
伽羅國王請中印度大吉祥王立之經今四
百年矣故寺多師子國人又菩提樹面十餘
里聖跡相隨差難備舉每年比丘解安居訖
四方諸俗自千萬衆七日七夜香華妙樂遍
林供養禮拜奉慶印度諸僧以唐五月十六
日入雨安居以唐八月十五日解夏斯亦隨
終一變不可約之如雪山北有國坐春坐秋
者意以一年之內多濕熱處制三月住就中
前後一月延促不定若據修道何時不安故

三時遊行通制有罪必有緣務亦開兼濟不
執也菩提樹院東度尼連河大林中塔北池
者佛昔爲香象子侍盲象母處前建石柱昔
迦葉波佛於此宴坐側有四佛行坐跡林中
小石柱是鬱頭藍發惡願處又東度莫訶河
東林野行百餘里至屈屈吒播陀山此言足亦
謂窯盧播陀山此言足直上三峯狀如雞足峭
絕孤起迥然空表半下茂林半上蔓草尊者
大迦葉波於中寂定故因名焉初佛以姨母
織成金縷袈裟傳付慈氏佛令度遺法四部

弟第迦葉承旨佛涅槃後第二十年捧衣入山以待慈氏上有一塔靜夜望之明炬自照雞足山東北百餘里至佛陀伐那山北崖大石室佛止數年旁有磐石帝釋摩檀塗佛今猶芳烈從空谷東出三十餘里申瑟知林

言杖

塔作一大塔盛之請僧法會稱慶其事皆放光明杖林西南十餘里大山陽二溫泉甚熱佛化浴焉遠近沐者沉痼皆愈側有佛經行像塔林東南七里許大山嶺上石塔佛於此雨三月爲天人說法頻毘婆羅王疊石爲道

林也竹滿山谷昔有人以丈六竹杖量佛而恒出杖表因投杖而去遂生根而被山焉中有一塔佛曾七日說法處林中有勝軍居士以香末爲泥作五六寸塔上書經文名法舍利也三十年間晝夜無忘凡作七億每一億小

廣二十餘步長四里許大山東北四里許至孤山仙人室也又東北五里小孤山壁石室可坐千人佛於此三月說法室上磐石梵釋於此磨檀塗佛今猶郁烈室西南隅巖岫即阿素洛宮石室側頽昆王往佛所棧道斷石

通路長五里許作階也又東行六十餘里至矩奢揭羅補羅城此云第城上茅宮城即摩揭陀之正中也多出香茅國中最勝古來諸王都其山城門闕存焉因香爲名崇山四周以爲外郭西通狹徑北開山門東西長周迴一百五十里樹華舍茂皆作金色內城周三十餘里城內荒涼都絕人物北門外塔佛舒手現五師子伏提婆醉象處又東北塔是舍利子聞馬勝比丘說法證道處塔北大深坑旁塔是室利鞠多言勝蜜也設火坑以害佛處坑東北

山城之曲有塔是縛迦醫王宅爲佛建說法臺周垣華果藥株尚存佛多止中宮城東北十五里許至姑栗阿羅矩咤山即鷲峯亦薦壘接北山陽孤起頂上東西長臨崖西陰龐室廣高奇製其戶東開佛在世五十年多居斯室說法今作等佛身像普影堅王爲聽法故自山至峯跨谷陵巖編石爲道階凡六里廣十餘步從杖林石室至此三階跡猶存焉階側二小塔一今王下一簡凡人其上精舍東長石佛曾經行履之傍有大石高丈四五

廣三十餘步是提婆所擲佛者處其南崖下
塔佛此說法華經處

精舍南山崖大石室佛於此入定阿難別室
魔怖之佛以手通石摩頂見有通穴精舍東
北大石澗大磐石佛曬衣處文今明徹旁有

佛跡輪文入石北山頂塔佛望摩揭城七日

說法處山城北門西有毘布羅山西南崖陰昔有五百溫泉今猶數十尚兼冷暖源發雪山無熱惱池潛流出此猶清且美味同本池並彫石象師子之首石以同流下乃編石爲

池浴者病癘諸有僧寺多取飲之以水沐髮終身常淨使人王玄策曾以沐首經今五載髮常潤淨不可思議泉左右塔及精舍故基羅列並四佛行坐跡此中山林相參隱者見處泉西卑鉢羅石室佛昔恒居後壁洞穴是阿素洛宮此毘布羅山上塔是佛說法處今露形外道居之山城北門左南崖陰東行三里許大石室調達入定處室東有班血磐石上昔有比丘修定不證自刺頸便證羅漢升空化火自焚處崖上石塔習定者投崖證果

處北門外一里餘至迦蘭竹園精舍石基甞
室東開佛多止中室尚存矣今有等佛身像
竹園東大塔是阿闍多設咄路云未生怨即闍王
也得舍利分所建後無憂王開之別建諸塔
壁四十五
餘在者時放光焉側有佛經行處東有阿難
半身塔竹園西南六里許南山陰大竹林中
大石室是大迦葉波與千羅漢於此集三藏
處僧中上座即號上座部焉室西北塔是阿
難受責證果處名證果塔也西行二十餘里
塔者是諸學無學大衆法集五藏處因謂大

衆部焉竹園北二百餘步迦蘭池佛多說法
今枯涸也池西北三里許塔育王立高六十
尺石柱五十餘尺上刻立塔事柱東北不遠
至曷羅闍姞利四城即新王舍城本寒林地
東北四里開王移都所築雷芽城
外郭已壞內城周二十餘里面有一門
無憂王更都香華城將此施婆羅門今住者
減千家宮城西南二小寺佛昔說法處諸國
客僧多來投止次西北塔殊底迦長者故里
即樹提伽也此言星曆王城南門外道左塔者佛說法
度羅怙羅處又北三十餘里至那爛陀寺言

本南菴設羅園也昔有五百商人買以施嚴^無佛於中三月說法前後五王之所合造一鑠迦羅阿迭多王此言帝日創造此寺二佛陀魏多王此云覺護次南造寺三呾陀揭多干此言如來次東造寺四婆羅阿迭多王此言幻日次東造寺五伐闍羅王此言金剛次廿造寺周垣峻峙高五丈許總有七院院別二層同爲一門歷代興建窮壯極麗寺立嚴制立寺已來女人不至知事十人每夕巡檢未具受者齒序爲次僧徒數千遊學名僧通數

將萬多是俊才通學聲馳異域者其人數百故印度諸僧皆仰則焉其有不談藏旨者形骸自愧故殊方來詣守門者詰問多屈而返或客遊後進詳論藝能其退飛者固十有七八矣所以高才博達強識多能明德利人聯暉接物至如護法護月振續芳塵德惠德堅流譽物表光友清論勝友高談智月風鑒戒^{聖四}^{十六}賢志業皆純粹於當時並昭彰於遠古既學冠舊儀述作論釋各數十部盛世流布故寺聖跡畧而可叙寺西精舍佛曾三月說法次

南百步小塔遠方僧見佛處又南有觀自在菩薩立像或見執香爐繞精舍右旋者次南一塔佛曾三月住荆剪處疾繞多愈西垣外池側塔是外道執雀問佛處東南垣內五十餘步有奇樹高八九尺其幹兩披佛昔嚼棄而生如故次東大精舍高二十餘丈佛曾四月說法處次北百餘步精舍觀自在像見感不同或立門側或出簷前故國法俗咸別供養次北大精舍高二十餘丈戒日王造莊嚴度量及中佛像同菩提樹下精舍也次東北

塔佛曾七日說法處西北即四佛坐處次南鋪石精舍高八十尺戒日王造今猶未了又東二百餘步垣外有銅立像高八十餘尺六層閣盛滿胄王所造此北三里甕精舍中多羅菩薩像量高靈異歲之元日盛興供養諸國王臣寶樂俱奏七日乃止寺垣門內大井佛爲商侶熱渴指地曰此可得水因以車軸築之泉涌飲之悟聖也寺西南九里許沒特伽羅故里育王造塔記目連也又東四里許是頻毘王此云影堅迎佛處又東南二十餘

里舍利子故里育王建塔旁有尊者遺身塔及井存矣又東南五里塔迦葉波佛時有三億大羅漢同此入滅處又東三十餘里帝釋窟也巖谷危險華林竦茂兩峯特起西巖南面石室佛曾止住釋以四十二疑畫石請問其跡向存今像擬昔入禮肅然嶺上四佛行坐跡東峯有寺僧夜西望見石室前有燈炬照帝釋峯寺前有鴈塔其緣如經帝山東北百六十里許至迦布德寺云鴿僧有二百人寺東有塔佛爲大衆一宿說法往昔佛作鴿

役火與羅者食處東有育王塔塔南三里孤山甚高峻多塔廟上觀自在像軀小威大手執蓮華頂戴佛像斷食七日乃至一月便見真儀從像中出即僧伽羅王所造精舍也又東南行四十里寺僧五十人小乘學大塔多靈佛爲梵王等七日說法處側有四佛行坐跡寺東北七十餘里宛伽河南天祠東大塔佛曾一宿說法處又東入山林百餘里大寺育王塔佛曾三月說法處北三里大池周三十餘里四色蓮華四時開發又東入山林二

百里至伊爛拏鉢伐多國中印度周三千餘里都城北臨宛伽河周二十里寺十所僧四千餘人多小乘正量部天祠二十餘異道雜住城中二寺各減千僧並小乘學城北河側伊爛拏山古來五通仙常居今有天祠佛於此

聖四三月說法城南塔佛曾三月說法旁有三佛行坐跡國西界宛伽河南岸孤山長一里餘佛曾三月安居降薄旬羅鬼藥叉處山東南崖下大石上佛坐跡入石寸餘長五尺二寸廣二尺一寸上有塔蓋次南石上佛據稚迦

長尺六寸廣八寸深二寸山頂有藥叉故室北有立佛跡長尺八闊六寸餘深半寸上塔覆西有溫泉六七極熱國南大林多野象極大從此順宛伽河南岸東行三百里至瞻波

國中印度也周四十餘里都城北臨宛伽河周四十餘里寺數十僧二百餘人小乘學也天祠二十餘所異道雜居城以甄壘高數丈却敵崇峻劫初人物伊始野居穴處後有天女降人中遊宛伽河灌流自媚感靈有娠生四子

分瞻部洲分疆建邑此則一子之都城即瞻
部之始主也地溫熱宜象耳城東南百五十
里跋伽河南水環孤洲中山崖上天祠多靈
其國界野象羣遊又東四百餘里至羯朱囉祇羅國_{中印}登四周二千餘里寺七所僧三百餘

人天祠十所異學雜居地多卑濕城北跋伽
河岸有大高臺以軛爲之四面鏤佛天等像
南境多野象耳戒日王遊巡東天於此築行
宮又東度跋伽河六百餘里至奔那伐彈那
國中印_度周四千餘里都城周四十餘里人盛

滿寺二十餘僧三千餘人大小兼學天祠百
所異道雜居露形偏多城西二十餘大寺僧
七百餘人並大乘學東印度境名僧出此有
育王塔佛曾三月於此說法齋日放光側有
四佛行坐跡次精舍中作觀自在像神降非
一人多絕粒祈者必感土地卑濕出般耶婆
果既多且貴大如鶴卵或在樹枝及根中如
荻荳也又東九百餘里度大河至伽摩縷波
國東印度也周萬餘里都城周三十餘里至今未
有佛法自事天行天祠數百異道數萬人有

拘摩羅王

言童子也

據之相承千餘世矣土泉溫

燠人物昌盛其國東境接唐西南有諸蠻獠

於彼朝貢云可兩月行使入蜀之西界其國

東南又饒野象其王聞沙門玄奘名畧遠來
中天迎請東達既見傾仰奄若舊交生信釋

門先開佛教奘又論議伏諸外道授以歸戒

更廣揚化是則東天佛教由奘弘之聲唱遐

塞戒日王知又延西返重加禮敬事在別傳

從此南行千三百里至三摩呾吒國_{東印度周}三千餘里近海卑濕都城周二十餘里寺三

十餘所僧二千餘人上座部也天祠百餘異

道露形甚盛城側有王塔佛曾七日說法處

旁有四佛行坐跡側寺中青玉像高八尺相

具威嚴自此東北大海濱山谷中有室利差

怛羅國次東海隅有迦摩浪迦國次東有墮

羅鉢底國次東有賞那補羅國次東有摩訶

壁四

瞻波國即林邑也次西南有闍摩那洲國凡

此六國道阻不行又從三摩呾吒國西行九

百里至耽摩栗底國_{東印度周}千五百里都城

周十餘里濱海卑濕寺十所僧千餘人天祠

五十異道雜居育王立塔四佛行坐跡又西
北行七百餘里至羯羅擎蘇伐刺那國

釋迦方志卷中

音釋

掣	音列	壇	同亥切	窪	其拒	瘞	病也	八切
睂	發所交切	呴	高燥也	窩	切	瘞	廬息茲	切
懦	而宣切	啖	叶勞	勞	郎到	瘞	支義	切
垢	餘地也	庖	皮教	積水	也	瘞	之勇者	鳥
姤	渠乙	燎	亂也	沼	切	瘞	齒酒	切
						麥	根	
							蘖	也